

**K**a 2008, Lephata la Temothuo kwa Botswana le ne la simolola **Thulaganyo ya Tshwaraganelo mo Kgodisong ya Lefatshe la Temo (Integrated Support Programme for Arable Agriculture Development [ISPAAD])**, e leng thulaganyo ya go thusa dipolasi ka matlole e boikaelelo jwa yone e leng go godisa kumo ya lefatshe le le lengwang mo nageng. Maikaelelo a magolo a ISPAAD ke:

- ▶ go oketsa go ntshiwa ga dijo tsa ditlhaka;
- ▶ go tlotlheletsa go dirwa ga dijo;
- ▶ go dira kgwebo ka temothuo go dirisiwa didiriswa tsa metšhine;
- ▶ go thusa balemirui go kgona go fitlhelela dilo tse ba thusiwang ka tsone le dikeredite; le
- ▶ go tokafatsa katoloso ya temo.

Mo tlase ga thulaganyo eno ya ISPAAD, puso e laola go rekiswa ga dilo tse balemi ba thusiwang ka tsone (jaaka peo, menontsha, dibolayamefero) le dilo tse balemi ba di tlhagisang (jaaka dijo tsa ditlhaka tse di robilweng). Balemirui ba thusiwa ka dilo tse ba di tlhokang mo temothuong ka ditlhwatlhwa tse di seng kwa godimo thata e bile ba thusiwa ka matlole, mme gape ba sa ntse ba tlhoka go bona keredite gore ba kgone go reka dilo tseo tse ba thusiwang ka tsone.

Gore balemirui ba kgone go tshwanelegela go bona thuso eno ya matlole, ba tshwanetse gore e bo e le baagi ba Botswana, ba na le bosupi jwa gore ba kgona go bona lefatshe e bile ba kwadisitswe mo thulaganyong ya katoloso ya Lephata la Temothuo mo kgaolong ya bone.



# Thulaganyo ya ISPAAD